

Nuuk, 28. december 2009

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

**Avanersuarmi sassisoqarnerata kingorna neqinik mattannillu
tunitsivissaqannginneq qaangerniarlugu Naalakkersuisut qanoq
pilersaaruteqarpat, pilersaaruteqarunik ?**

(Inatsisartuni ilaasortaq Aleqa Hammond, Siumut)

Tungavilersuut:

Avanersuarmi novemberip naalernerani sassisoqarpoq, tamannalu quttatigaarput neqissaqarniarnikkut aningaasaqarniarnikkullu piniartukkormiunut annertuumik iluaqutaasussaammat.

Taamaattoq paasinarpoq, maanna mattannik tuniserusukkaluarlutik tunisassiorfeqanngitsoq, tunitsivissaqanngitsoq tigooraasoqanngitsorlu.

Tamanna aningaasarsiorfissatsialammik asuliinnartitisileqqunagu aammalu piniartukkormiut ikiorniarlugit Naalakkersuisut qanoq iliuseqarnersut paaserusuppara, iliuseqalersaartoqarsimassappallu suuppat ?

Eqqaasitsissutigissangakku ullut qulit suliffiusut qaangiutsinnagit apeqqutigita akineqarsimassasoq.

Ikinngutinnersumik inuulluaqqusillunga
Aleqa Hammond, Siumut